

丹溪心法

辰

丹溪先生心法卷五

新安吳勉學校

癰疽八十五

○癰疽只是熱勝血

六陽經陽經有氣少血

者有少氣多血者有多氣多血者不可一槩論也若夫要害處近虛怯薄處前哲已曾論及惟分經之言未聞諸經惟少陽厥陰經生癰疽理宜預防以其多氣少血肌肉難長瘡久未合必成死症遽用驅毒利藥以伐其陰分之血禍不旋踵陽滯於陰脉浮洪弦數陰滯於陽脉沉細弱瀯陽滯以寒治之陰滯以

熱治之 人中年以後不可生癰纔有痛脉參之脉  
証但見虛弱便與滋補氣血可保終吉若用尋常驅  
熱拔毒紆氣之藥虛虛之禍如指諸掌 內托之法  
河間治腫焮于外根盤不深形証在表其脉多浮病  
在皮肉非氣盛則必侵於內急瀕內托以救其裏完  
復煎散除濕散鬱使胃氣和平如或未已再煎半料  
飲之如大便秘及煩熱少服黃連湯如微利及煩熱  
已退却與復煎散半兩如此使榮衛俱行邪氣不能  
內傷也然世俗多用排膿內補十宣散若用之於此  
亦瘡與冬月時今即可若潰瘍於夏月用之其桂朴

之温散佐以防風白芷吾恐雖有參芪難為倚杖

一婦年七十形實性急而好酒腦生疽饒五日脉緊

且瀉急用大黃酒煨細切酒拌炒為末又酒拌入

參炒入姜煎調一錢重又兩時再與得睡而上半身

汗睡覺病已失此內托之意 又一男子年五十形

實色黑背生紅腫及脾骨下痛其脉浮數而洪緊食

亦嘔正冬月與麻黃桂枝湯加酒黃栢生附瓜蒌子

甘草節羌活青皮人參黃芩半夏生薑六貼而消此

正內托之法非精要內托散乳香萊豆等藥想此方

專為服丹石而發疽者設不因丹石而發恐非必用

之劑 瘡先發為腫氣血鬱積蒸肉為膿故其痛多  
少瘡之始作時也膿潰之後腫退肌寬痛必漸減而  
反痛者此為虛宜補亦有穢氣所觸宜和鮮風寒逼  
者宜溫散

○腸癰

大腸有痰積死血流注

桃仁承氣湯加

連翹秦芫近肛門破入風者難治防風之類

○乳癰

乳房陽明所經乳頭厥陰所屬乳子之母

不知調養怒忿所逆鬱悶所遏厚味所釀以致厥陰  
之氣不行故竅不得通而汁不得出陽明之血沸騰  
故熱甚而化膿亦有所乳之子隔有滯痰口氣燥熱

或時而睡熱氣所吹遂生結核於初起時便湏忍指  
擦令稍軟吮令汁透自可消散失此不治必成癰癤  
治法踈厥陰之滯以青皮清陽明之熱細研石膏行  
汗濁之血以生甘草之節消腫導毒以瓜蒌子或加  
波藥青橘葉七角刺金銀花當歸或湯或散或加減  
隨意消息然湏以少酒佐之若加以艾火兩三壯於  
腫處其効尤提不可輒用針刀必至危困若不得於  
夫不得於鼻姑憂怒鬱悶昕夕積累脾氣消阻肝氣  
橫逆遂成隱核如大棋子不痛不痒數十年後方為  
瘡陷名曰妳若以其瘡形四似岩穴也不可治矣

若於始生之際便能消釋病根使心清神安然後施  
之治法亦有可安之理

乳癰方

青皮

瓜蒌

糯葉

連翹

桃仁

皂角刺

甘草節

破多加參芪

右以水煎入酒服

乳癰妳勞焮腫

石膏煨

樺皮燒

瓜蒌子

甘草節

青皮

右以水煎服

治乳有核

南星

貝母

甘草節

瓜蒌

連翹半兩

右以水煎入酒服

又方

人參

黃芪

川芎

當歸

青皮

連翹

瓜蒌

白芍

甘草節

乳岩小破加柴胡川芎

右以水煎入酒服

乳硬痛

沒藥一錢 甘草三錢 當歸三錢

右作一服水煎入酒少許熱飲

吹妳

金銀花 大蕎麥 紫葛藤 等分

右以醋煎洗患處立消如無下二物只金銀花亦可

乳栗破 少有破必大補

人參 黃芪 白朮 當歸

川芎 運翹 白芍 甘草節

右以水煎服

附骨癰

熱在血分之極細初覺先以青皮甘草節後破當  
養血勿腿腫以人參黃連茯苓各二錢瓜蒌子四  
十八粒作二貼入竹瀝熱飲之

治環跳穴痛不已防生附骨疽

以蒼朮佐黃柏之辛行以青皮冬月加桂枝夏月  
加條子芩體虛者加牛膝以生甘草為使大料煎  
入姜汁帶辣食前飲之病深者恐木栢桂枝十數  
貼發不動加少麻黃二三貼又不動恐癰將成矣  
急掘地坑以火煨紅沃以小便赤體坐其上以被  
席圍抱下截使熱氣重蒸腠理開氣血暢而愈

鉄圍散 治癰疽腫毒

乳香

沒藥 各二兩 大黃

黃栢

黃連

南星

半夏

防風

皂角

木鱉子

瓜蒌

甘草節

草烏

阿膠

右為末 醋調成膏 砂石器內火熬黑色 鵝翎傳之  
圍藥 諸般癰疽傳上消散

乳香

沒藥

大黃

連翹

黃芩

黃連

黃栢

南星

半夏

防風

羌活

瓜蒌

阿膠

皂角刺

石研為細末好醋煎黑色成膏寒者熱用熱者寒

用

圍藥鉄井欄

貝母

南星各七錢連翹

五倍子

經霜芙蓉葉各一兩

右碾為細末用水調傳四向腫處止留中間一竅

出毒氣

隔皮取膿法

馬蹄細切

蕎麥麵一兩白塩半兩草烏四錢

右為末水調作餅子慢火炙微黃色出火毒研末  
醋調成膏用白紙攤貼患處水自毛孔而出其腫  
自退

騎馬癰

用大粉草帶節四兩長流水一碗以甘草淬焙  
水盡為末入皂角炭少許作四服湯調頓服效

又方

甘草節白芷黃連破者龍骨枯礬赤石脂併用

又疽癰方

草烏

黃連

紫荊皮

白芷

大黃

芙蓉皮

樸硝

粳米

各等分

右為末蜜水調敷如瘡盛以蜜調雄黃末圍定瘡  
穴大小前後敷前藥末

一人肚門生癰久不收口有針竅三孔勞力則有膿

黃芪

條芩

連翹

秦艽

右為末神麴糊為丸

取朽骨久疽及痔漏者有之

取烏骨鷄脰骨以上等雌黃實之鹽泥固濟火

煨通紅取出地上出火毒去泥用骨研細飯丸

如粟大以帛燃送入孔中竅內更用膏藥貼之

便毒

山梔子

大黃

乳香

沒藥

當歸五分

瓜蒌仁三錢

代赭一錢

右作一服煎

又方

木鱉子

大黃

瓜蒌

桃仁

草龍膽

右以咀濃煎露星月一宿清早溫服立愈

又方

白殭蚕槐花為末酒調服一方加酒大黃

附方

消毒飲 治便毒初發三四日可消

皂角刺 金銀花 防風 當歸

大黃 甘草節 瓜蒌仁 等分

右以咀水酒各半煎食前溫服仍頻提製頂中髮

立效

機要內托復煎散 癰疽托裏健胃

地骨皮 黃芩 茯苓 白芍

人參 黃芪 白朮 桂枝

甘草 防己 當歸 防風 三兩

右以咀先以蒼朮一斤水五升煎至三升去木入

前十二味再煎至三四盞取清汁分三四次終日飲之又煎蒼朮粗為湯去粗依前又煎前十二味粗分飲之

內踈黃連湯 治瘡皮色腫硬發熱而嘔大便閉脉洪實者

黃連

芍藥

當歸

檳榔

木香

黃芩

梔子

薄荷

桔梗

甘草

酪一兩

連翹

二兩

大黃

二兩半

右以咀每服一兩入姜煎

疔癰八十六